

BASES DE ORGANIZACIÓN

III TRAIL SUBIDA PICO MURALLA – CONCELLO DE RIANXO

Artigo 1.

A Sociedade Deportiva Barbantia Roda e o Concello de Rianxo organizan a terceira edición do **TRAIL SUBIDA PICO MURALLA – CONCELLO DE RIANXO**, coa finalidade de promover esta modalidade deportiva e fomentar hábitos vida saudables. A proba non é federada.

Artigo 2.

A proba celebrárase o 10 de xuño de 2018, domingo, e a saída da categoría absoluta será ás 10:30 h. A distancia é de 15 km cun desnivel acumulado de 671 m.

Artigo 3. Sedes e Programa

Sede 1.

Pavillón polideportivo de Rianxo

- **9 h.** Entrega de dorsais e servizo de gardarroupa.
- **10:30 h.** Saída da proba (Setefogas – Paseo Marítimo)
- **Fin da proba (14 h aprox.):**
Vestiaros, duchas, avituallamento final e entrega de trofeos

Sede 2.

Lugar da Ermida (O Araño)

- Avituallamento intermedio.

Sede 3.

Alto do Pico Muralla (O Araño)

- Chegada e traslado á sede 1 ao remate da proba, servizo gratuíto de autobús.

Artigo 4. Participación e categorías

Poderán participar todas aquelas persoas que así o desexen, e para poder optar a algún dos premios será condición indispensable ter rematado a carreira.

As categorías do Trail serán as seguintes (teranse en conta os anos cumpridos o día da proba).

- **Sénior masculino e feminina:** 18-40 anos.
- **Veteranos/as 1.** 41-55 anos.
- **Veteranos/as 2.** 56 e maiores.

Andaina: Categoría única (ver Anexo) non competitiva.

Artigo 5. Inscripcións

Prazo:

Ata o xoves 7 de xuño de 2018 ás 24 h. Non se aceptarán inscricións fóra de prazo ou con datos incompletos.

Onde:

emesports.es

Prezo:

6 € en todas as categorías

Límite prazas: 250 prazas para o Trail e 100 para a andaina.

Artigo 6. Clasificación e trofeos

As reclamacións aos resultados oficiais da carreira deberán formularse verbalmente á Organización, non máis tarde de 30 minutos despois da súa publicación. Todo o non previsto no presente regulamento, resolverase de acordo co Regulamento da RFEA en vigor para cada caso. A participación implica a total aceptación deste regulamento, e o descoñecemento do mesmo non exime do seu obrigado cumprimento.

Serán motivo de descualificación:

- Correr co dorsal doutra persoa.
- Non estar inscrito na proba e participar nela.
- Realizar a inscrición alterando os datos.
- Non atender as indicacións da organización.
- Manifestarse con conduta antideportiva e/ou contra o medio.

Recibirán **trofeo** :

1. Os tres primeiros homes e as tres primeiras mulleres en cruzar a liña de meta.
2. Os tres primeiros clasificados de cada categoría feminina e masculina.
3. A primeira e primeiro corredor/a local.
4. A corredora e corredor máis veteranos.

Artigo 7. Servizos

Servizo de gardarroupa

Pavillón polideportivo Municipal de Rianxo

Vestiaros e duchas

Pavillón polideportivo Municipal de Rianxo

Publicación dos resultados

emesports.es

Servizo gratuíto de autobús

Desde o Pico Muralla ao pavillón de Rianxo.

Artigo 8. Información

- emesports.es
- concelloderianxo.gal
- [facebook do servizo de deportes do Concello de Rianxo](#)

Para máis información ou calquera dúbida relacionada coa organización da proba, poderán chamar aos teléfonos **629869217 e 661247136**.

Artigo 9. Outras consideracións

A proba conta cun seguro de responsabilidade civil e un seguro de accidentes coas coberturas mínimas esixidas no Real Decreto 849/1993.

A proba conta cun servizo médico-sanitario, que constará dunha ambulancia e un médico para aquelas probas que non superen os 750 participantes.

A organización da proba resérvase o dereito a modificar horarios e ou percorridos, así como aprazar ou suspender a carreira se así o estima oportuno por razóns de seguridade.

No caso de que para o día da celebración da proba se decrete unha alerta laranxa a proba será suspendida automaticamente. Buscarase unha data adecuada para desenvolve-la e non se devolverán os cartos da inscrición.

As persoas participantes que, durante o transcurso da carreira/andaina, circulen por fóra do espazo delimitado polos vehículos de sinalización/monitores para a carreira ou andaina, considéranse a todos os efectos usuarias normais da vía.

Toda persoa que corra/ande sen estar inscrita, farao baixo a súa responsabilidade e non poderá participar de trofeos nin obsequios. Tampouco estará amparada polos seguros da proba.

Poderanse efectuar reclamacións ante a organización. A participación é libre e leva implícita a aceptación do Regulamento Xeral da proba. Todo o non previsto neste regulamento resolverase de acordo, por esta orde, coas normas da FGA, RFEA e IAAF en vigor.

O dorsal deberá ser colocado visiblemente na parte dianteira do tórax, e non se poderá facer nel ningunha modificación.

A organización e as persoas colaboradoras non se fan responsables dos danos morais ou materiais que a si mesmos ou a outras persoas ocasionen as participantes na carreira.

O únicos vehículos que poderán seguir a proba serán os autorizados pola organización, e non está permitido o acompañamento das participantes mediante o uso de vehículos de apoio. A non observancia desta norma implicará a descualificación dos atletas acompañados.

Descualificacións:

- A organización do evento está facultada para retirar, durante a proba, a calquera atleta que manifeste un mal estado físico por indicación do servizo médico.
- Toda participante que non realice o percorrido completo.
- A participante que manifeste un comportamento non deportivo ou se reitere en protestas ante a organización.

ANEXO I – Andaina

Organízase tamén unha andaina, co mesmo percorrido que o trail, que se regula polas mesmas bases, coa excepción dos cambios recollidos a continuación:

Sedes e programa

A entrega de dorsais será ás 8 h no pavillón e a saída ás 8:30 h desde o peirao de Setefogas.

Participación e categorías

Categoría única. Poderán participar persoas a partir dos 14 anos. Entre os 14 e 18 anos precisarase autorización materna/paterna.

Non se permite levar animais de compañía.

Inscricións

O prezo da andaina é de 3 €. O resto do procedemento réxese polo artigo 5.

Clasificación e trofeos

Para a andaina non se fará clasificación nin haberá trofeos.